



# Il mas-chalch da Sent

Publicaziuns officialas. Cumpara seguond bsögn.

2003/2005

no. 31

7554 Sent, 10 mai 2005 /mw

## Meditaziun averta

**Esser preschaint** cun ün spiert alert e cul corp vivaint. Esser qua cul potenzial uman güst eir là, ingio cha no badain noss cunfins persunals. Crescher cullas sfidas.

Meditaziun quieta ed interculturala chi as drizza a l'uman inter. Corp ed orma as sustegnan vicendaivelmaing. Il corp vain plü elastic, nudri plü bain e nettajà. L'orma vain plü averta ed aintra in d'ün dialog cun l'agen corp sco eir cul spiert plü grond o divin.

Davent da gün

Ingio, cura: **mincha marcurdi da las 20.00 – 21.00 illa baselgia da Sent.**

Lingua: tenor partecipants

Cuosts: ingüns

S'annunzchar: nu fa dabsögn. La meditaziun es averta sco ils cults divins la dumengia.

Manader:

**Jörg Büchel, ravarenda**

## Sent Turissem

La radunanza generala da Sent Turissem ha lö in **marcurdi, als 25 mai 2005**, a las **20.30h** in chasa cumünala Misoch.

### Tractandas:

1. Salüd dal president
2. Infuormaziun classificaziun parahoteleria cun sar Markus Waldmeier da l'associaziun d'abitaziuns dal Grischun
3. Infuormaziun senda auas mineralas
4. Elecziun dals scrutinadurs
5. Protocol da la radunanza generala 2004
6. Rapport annual dal president
7. Approvaziun dal quint 2004
8. Rapport dals revisurs, dis-charg suprastanza
9. Varia e diversas

Propostas ston gnir inoltradas in scrit al büro, almain 7 dis avant la radunanza.

A partir da las **20.00h** vain servi als preschaints ün **aperitiv**.

Amiaivelmaing invida

**il comitè**

## **„World Harmony Run“**

Daspö l'on 1987 portan 100'000 as da persunas mincha duos ons fuschellas, tras 70 pajais in tuots 5 continents, sco symbol per l'armonia sün nos muond.

Mardi, als 17 mai 2005 pass'na eir tras Sent. Cun ün pitschen rinfräis-chamaint, tils laina retschaiver sün Plaz tanter las 15.30h e 16.00h.

No vessan fich plaschair, scha Vo gnissat eir a retschaiver ils curridurs. Minch'ün chi ha plaschair po chaminar ün toc cun els o dafatta cuorrer plüs kilometers insembel.

Amiaivelmaing invida  
Cumün da Sent  
Sent Turissem

## **Tscherchè da vender chasa cun tablà**

Da vender a Sent, Curtin: Chasa cun tablà e piazza da parcar.

Infuormaziuns detagliadas da il no. da telefon 01 784 65 41

## **Controllas taxas da cura**

La firma incumbenzada da las organisaziuns turisticas localas ha manà tras a Sent dūrant il mais schner diversas controllas da las taxas da cura. Quistas controllas han gnü per gronda part resultats positivs. I ha pero dat eir lös ingiò chi nu sun gnüdas tgnüdas aint las prescripziuns toccantas. Scha giasts nu vegnan annunzchats tenor prescripziuns, o schi vain interlaschè dad annunzchar tals, as stoja far quint cun las sancziuns toccantas.

**Cumün da Sent**

## **Maschinas cun ün aschigl**

Tenor la ledscha chantunala sun tuot las maschinas paucilas cun ün aschigl obliadas d'avair ün nommer d'immatriculaziun. Per quellas maschinas esa d'avair ün nommer da velo tenor VVV. Quel nommer po gnir retrat pro la cancellaria cumünala, e sto gnir miss vi da la maschina. Per eventualas dumondas sta il pulizist cumünal a disposiziun.

**Chancellaria cumünala**

## **Amis dal „chant da cumpagnia“**

Ils amis dal „chant da cumpagnia“ han decis da chantar inavant e quai adüna l'ultim marcurdi dal mais in chasa Misoch. Chi chi ha eir gust da chantar es bainvis. (I's po chantar eir be minchatant o dafatta eir be üna pezza). Dimena chi chi ha buonder dess dar ün tschüt. Prosma jada als 25 mai exepziunadamaing in chasa da scoula.

**Ils amis dal „chant da cumpagnia“**

# Funarals

Cumanzamaint

# a Sent

a las 13.30

## Predgia aint in baselgia

Is relaschats fan pront il vaschè / l'urna e las fluors  
avant il funaral.

### ● Sain grond e reuniun

aint in baselgia

## Pled da funaral

aint in baselgia

Portar oura fluors, vaschè o urna

Chargiar il char

### ● Sunasoncha

● per ir aint in  
sunteri

e là

● per urnas chi nu  
vegnan missas giò  
aint in sunteri max.  
10 minuts.

Urazchun e metter giò  
il vaschè o l'urna  
(sainza amplifichadur)

Fin ca. las 14.45

## Predgia aint in sunteri

In cas da trid'ora decidan is relaschats insembel  
cul ravarenda giüst avant il funaral, schè'l pled da funaral  
es sco previs aint in sunteri opür in baselgia.

### ● Sain grond e reuniun

davant chasa o davant baselgia

3 min.

posa

1 min.

Urazchun in chasa

Urazchun our il liber

Portar oura fluors e  
vaschè / urna

Chargiar il char

Chargiar il char

### ● Sunasoncha, partenza


per ir aint in sunteri

Pled da funaral cun  
amplifichadur, metter  
giò il vaschè o l'urna

Fin ca. las 14.30

Sent, in avrigl 2005

Il Cussagl da baselgia  
e la Prävenda evangelica



**Junge SVP Graubünden**

[www.jsvp-gr.ch](http://www.jsvp-gr.ch)

**Discussiun al podium**

# Schengen

**\* SCHI o NA ? \***

**\* daplü o damain sgürezza ? \***

**\* il prüm pass vers l'EU o na ? \***

*I discutan:*

*Cusglier Naziunal:* **Felix Müri SVP** (cunter)

*Cusglier Grond:* **Jon Peider Lemm SVP** (cunter)

*Cusglier Grond:* **Markus Feltscher FDP** (pro)

*Cusglier Grond:* **Rolf Hanimann FDP** (pro)

*moderaziun:* **Claudio Andry**

**Als 11 mai a partir da las 20.00  
in chasa cumünala a Sent**

*La discussiun es publica. Minchün es amiaivelmaing invidà*

